



STRUČNA SLUŽBA OV- Ilijaš

PREDMET: Vijećnička pitanja i inicijative- dostavlja se -

Na 42. sjednici OV Ilijaš održanoj 28. 05. 2020. godine postavljena su slijedeća vijećnička pitanja i inicijative:

ALMIR ŠPIODIĆ –samostalni vijećnik

**Pitanja:**

1. Kada će biti realizirana sredstva za podsticaj poljoprivrednoj sjetvi registrovanim poljoprivrednim proizvođačima, koja ste obećali preko Federalnog ministarstva za poljoprivredu.
2. Zašto ste preko Savjeta mjesnih zajednica tražili da naprave spiskove zainteresovanih građana za proljetnu sjetvu u smislu podjele sjemena, a onda tražili da naprave spiskove samo ljudi koji imaju registrovana gazdinstva, jer kao takvi mogu ostvariti pravo za dobijanje sjemena?

Na ovaj način ste pokazali da organ uprave ne funkcioniše kako bi trebao . Jednostavno ste mogli u nadležnoj Službi doći do spiskova poljoprivrednika koji imaju registrovana gazdinstva, kontaktirati ih telefonom i informisati o podsticaju. Tim činom ne dovoditi predsjednike Savjeta MZ u nezgodnu situaciju. Veliki broj građana javio se za ovu vrstu pomoći, vi ste promijenili javni poziv, gdje ste naveli da moraju biti upisani u registar poljoprivrednih gazdinstava.

3. Zašto Općina Ilijaš nije izradila plan pomoći ljudima koji su bili zainteresovani za proljetnu sjetvu a a nemaju registrovano poljoprivredno gazdinstvo?

Ovom stavkom obuhvaćam ljude koji su ostali bez posla u proteklom periodu a imaju obradivu zemlju koju do sada nisu obrađivali, zato što su bili zaposleni. Poznato je da su dvije firme koje su zapošljavale najviše radnika u Ilijašu bile primorane otpustiti radnike, ako i mnoge druge firme, poslati ih kućama na biro. Ljudima koji su ostali bez posla a imaju zemlje za sjetvu trebalo je pomoći na vrijeme da je obrade i zasiju, na način kako je to uradila Općina Visoko. U saranji sa povjerenicima svih 26 gradskih i vangradskih mjesnih zajednica, obezbijedili su sjemena za 580 domaćinstava. Prilikom podnošenja zahtjeva prioritet su imala lica/domaćinstva sa jednim ili više nezaposlenih osoba i penzioneri. Ili kao što je uradila Općina Vogošća koja je umjesto 20 plastenika , podijelila 40, prioritet su imale porodice slabog socioekonomskog statusa.

Iz odgovora na vijećničku inicijativu kolege Dedića, zaključio sam da Općina Ilijaš ove godine ne planira podjelu plastenika ako se ne javi neki donator koji bi finansirao. Mislim



da bih inicijativu kolege Dedića , Vijeće trebalo usvojiti kao Zaključak. Da općina kroz rebalans Budžeta obezbijedi sredstva za sufinansiranje nabavke plastenika površine 50 i 100 m2 za minimalno 20 porodica slabog socioekonomskog statusa.

#### **Odgovori:**

Federalno ministarstvo poljoprivrede, vodoprivrede i šumarstva svojim aktom br: 03-20-518/20 od 31. 03. 2020. godine je uputilo svim gradovima i općinama u Federaciji BiH **poziv za pripremu preliminarne liste poljoprivrednika za proljetnu sjetvu** kako bi ista bila dostavljena na Javni poziv koji je objavljen od strane resornog ministarstva. Uz navedeni poziv **klijentima – jedinicama lokalne samouprave** - nadležnim službama za poslove poljoprivrede dostavljene su i jasne upute za pripreme kao i uslovi učešća na javnom pozivu koje moraju ispuniti poljoprivredni proizvođači da bi ostvarili ovaj vid podrške. (prilog kopija poziva za pripremu preliminarne liste poljoprivrednika za proljetnu sjetvu , kopija javnog poziva općinama i gradovima Federacije Bosne i Hercegovine BiH za poticanje proljetne sjetve.) Navedeni uslovi su sastavni dio "Pravilnika o uslovima i načinu ostvarivanja novčanih podrški po modelu ostalih vrsta novčanih podrški" (Sl novine FBiH broj: 24/20) .

U skladu sa ponuđenim Programom pokretanja proizvodnje , poticanja proljetne sjetve , Općinski načelnik je prihvatio da istu sufinansira sa 40 % odnosno 60. 000, 00 KM dok će učešće Federalnog ministarstva poljoprivrede, vodoprivrede i šumarstva iznositi 60%odnosno 90. 000, 00 KM. Dakle proljetna sjetva na području Općine Ilijaš će biti sufinansirana sa 150. 000,00 KM.

Općina Ilijaš je u skladu sa navednim aplicirala na javni poziv Federalnog ministarstva, uz ispunjavanje svih propisanih uslova na osnovu čega su se stekli svi preduslovi za potpisivanje Sporazuma o realizaciji programa. Općinski načelnik je 28. 05. 2020. godine potpisao navedeni Sporazum. Federalno ministarstvo poljoprivrede nakon potpisivanja Sporazuma će donijeti rješenje o odobravanju sredstava i ista doznačiti na račun klijenta odnosno općine. Po doznačavanju sredstava , stvorit će se uslovi za podnošenje zahtjeva i dokumentacije kako je propisano u Odluci o novčanim podrškama , odnosno u skladu sa traženim uslovima Federalnog ministarstva. Po ispunjavanju uslova , resorna služba će donijeti rješenja o ispunjavanju uslova i vršiti isplatu sredstava na račun poljoprivrednih proizvođača. Obzirom da su proglašenjem stanja nesreće prouzrokovane pojavom COVID – 19 donesene posebne mjere koje su imale i uticaja kako na kretanje građana tako i na rad organa uprave, a kako bi bi se na vrijeme ispunili propisani uslovi iz Javnog poziva , Općina Ilijaš je objavila svoj Javni poziv kako bi pravovremeno obavijestila poljoprivredne proizvođače i sačinila tražene preliminarne liste , ali i dopune i pojašnjenja javnog poziva kako bi isti bio što razumljiviji i shvaćen na način kako je to definisano uslovima Federalnog ministarstva. Niti jednim dokumentom ali ni javnim pozivom nije rečeno da će se vršiti podjela sjemena, čak suprotno javnim pozivom je isticano da javni poziv ne uključuje nikakvu podjelu sjemena . Javni pozivi su oglašavani na stranici Općine Ilijaš, emitovani na Radio Ilijašu ali i objavljivani na drugim portalima sa područja općine. (prilog kopije javnih poziva).

Obzirom da je Služba za privredu i finansije ovlaštena da vodi federalni registar poljoprivrednih proizvođača , ona i raspolaže svim podacima . Međutim ovdje se mora naglasiti da svi registrovani poljoprivredni proizvođači se ne bave i sjetvom poljoprivrednih kultura , odnosno veliki broj se bavi samo uzgojem stoke . Isto tako svima onima koji nisu bili registrovani ostavljena je mogućnost da to učine naravno uz ispunjavanje propisanih uslova upisa u RPG o čemu su bili informisani i kroz



javni poziv. Isto tako nadležna Služba je ostavila i mogućnost kontakta putem telefona što je bilo naglašeno kroz javni poziv. Građanima ni u kom slučaju nisu bile uskraćene mogućnosti registracije ali ni prijavljivanja u resornoj službi, bilo ličnim, dolaskom, bilo putem telefona . Uključivanje Predsjednika Savjeta MZ imalo je samo jednu namjeru i cilj : da se olakša građanima da brže i lakše ostvare svoja prava u posebnim uslovima proglašenog stanja nesreće pogotovo u uslovima ograničenog kretanja koje je tada bilo na snazi.

Svaka općina ima svoje modele podrški poljoprivrednim proizvođačima , a općina Ilijaš je konstanto opredjeljena da daje podrške koje su definisane kroz Odluku o novčanim podrškama koje usvaja OV Ilijaš, što svakako podržavaju i prihvataju poljoprivredni proizvođači. I u ovoj godini Budžetom općine , za ovu vrstu pomoći poljoprivrednicima su planirana sredstva u iznosu od 250. 000, 00 KM tako da uz sredstva za proljetnu sjetvu će se izdvojiti ukupna sredstva u iznosu od 400.000,00 KM.

Ne treba zaboraviti da Općina Ilijaš svake godine sufinansira i ostale vidove poljoprivredne proizvodnje , pa tako i u ovoj godini u Budžetu općine Ilijaš su povećana sredstva za poljoprivredu sa ciljem podrške poljoprivrednim proizvođačima u proizvodnji hrane. Prema raspoloživim podacima Federalnog ministarstva poljoprivrede , Općina Visoko je prihvatila udio sufinansiranja u Programu poticanja proljetne sjetve sa 30% odnosno 30. 000,00 KM, a Općina Vogošća nivo od 20 % odnosno 10. 000, 00 KM što svakako govori u prilog opredjeljenja općine Ilijaš kada je u pitanju poljoprivredna proizvodnja.

Naravno da Općina Ilijaš podržava plasteničku proizvodnju , a jedno od opredjeljenja je svakao i nabavka platenika za one koji za to iskažu svoj interes. U posljednjih nekoliko godina nabavljeno je i dodijeljeno ukupno **80 platenika površine od po 100 m2** i zašto su **izdvojena sredstva u iznosu od cca 200.000,00 KM**. Sa ovom vrstom podrške će se nastaviti i u narednom periodu sve dok poljoprivredni proizvođači budu iskazivali interes za ovaj vid proizvodnje. Do sada u ovoj godini ,u resornoj službi, nije bilo zahtjeva za nabavku platenika.

Svi poljoprivredni proizvođači sa područja Općine Ilijaš imaju i mogućnost korištenja i ostalih vidova podrški viših nivoa vlasti prvenstveno podrški sa nivoa Kantona Sarajevo koji je kroz svoju odluku pripremio set mjera i olakšica za poljoprivrednu proizvodnju. Uvidom u prijedlog **Odluke o iznosima novčanih podsticaja , minimalnim uslovima za početak proizvodnje , minimalnim uslovima i rokovima podnošenja zahtjeva za 2020 godinu** Ministarstva privrede KS , vidljivo je povećanje iznosa po svim vidovima podrški kao i određene olakšice kod ostvarivanja istih.

Obzirom da su proglašenjem Odluke o stanju nesreće prouzrokovane COVID -19 pogođene i ostale grane privrede , Općina Ilijaš je pripremila i druge vidove podrške i olakšica za ostale grane privrede kao i programe socijalne pomoći. **Također, moramo uvažiti i neizbježnu činjenicu da se problemi sa kojima se suočava kompletna privreda u Federaciji , ista reflektuje i na direktno smanjenje prihoda općine.**

**HALID DIZDAREVIĆ- vijećnik SDA**

**inicijativa:**

Pokrećem inicijativu prema nadležnoj općinskoj službi da mi dostave Informaciju koliko i koji vijećnici iz Općinskog vijeća Ilijaš, koriste pravo na uplatu penzionog-zdrastvenog osiguranja?

Također da mi dostavi tabelarni prikaz po imenu i prezimenu vijećnika i sa iznosima koji su uplaćeni za mandatni period 2016-2020. godina?

**Odgovor:**

Pravo uplate penzionog-zdrastvenog osiguranja u navedenom periodu ostvaruje Almir Špiodić – samostalni vijećnik .Tabelarni prikaz u prilogu.

**SEAD ŠEHIĆ- Vijećnik SDA**

**Inicijativa:**

Na zahtjev naših samostalnih poljoprivrednih proizvođača , koji svoju robu prodaju na nadkrivenom, ali otvorenom dijelu pijace, imam zamolbu da se navedeni prostor sa tri strane zatvori. Naime, ovim bi se rad navedenih lica itekako olakšao, jer su izloženi uticaju nepovoljnih vremenskih prilika. Pogotovo je to izraženo za vrijeme perioda jesen, zima, a sve zbog nanosa kiše, vjetra i stvaranja velikog propuha i promahe što im onemogućava normalan rad i šteti njihovom zdravlju.

Zato vas molim da ovoj inicijativi izađete u susret, jer ne zahtijeva velika sredstva.

Unaprijed zahvaljujem.

**Odgovor:**

Odlukom OV Ilijaš br: 01/1-02-1223-4/18 od 31. 05. 2018. godine Gradska tržnica Ilijaš je povjerena na upravljanje i korištenje Javnom komunalnom preduzeću "Vodostan" doo Ilijaš.

Odgovor JKP "Vodostan" doo Ilijaš u prilogu.

Broj: 03-20- 518 /20

Sarajevo, 31.03.2020.godine

**HITNO**

**GRADOVI I OPĆINE U FEDERACIJI BIH**  
**N/r: GRADONAČELNIKA I NAČELNIKA**

**PREDMET: Poziv za pripremu preliminarne liste poljoprivrednika za proljetnu sjetvu**

Poštovani,

Vlada Federacije BiH je usvojila Odluku o proglašenju stanja nesreće prouzrokovane pojavom COVID-19 i donijela mjere koje podrazumijevaju veću podršku proljetnoj i jesenskoj sjetvi, a uvažavajući trenutnu situaciju i potrebu povećanja obima poljoprivredne proizvodnje i sigurnost prehrane stanovništva u Federaciji BiH.

S tim u vezi, Federalno ministarstvo poljoprivrede, vodoprivrede i šumarstva planiralo je u ovoj godini podršku za različite programe pokretanja proizvodnje, poticanja jesenske ili proljetne sjetve i slične mjere koje nisu obuhvaćene ostalim modelima, te mjerama zemljišne politike i za te namjene obezbijedilo je 9 miliona KM.

U prilogu dostavljamo izvod iz Pravilnika o uslovima i načinu ostvarivanja novčanih podrški po modelu ostalih vrsta podrški kojim su propisani uslovi i kriteriji za dodjelu sredstava.

Ovim putem vas pozivamo da pripremite preliminarnu listu poljoprivrednika koji će obavljati proljetnu sjetvu, sa vrstama i površinama kultura u skladu sa listom prihvatljivih troškova, kako bi istu dostavili na Javni poziv koji će objaviti Ministarstvo.

S poštovanjem,

  
**MINISTAR**  
mr.sci. Semsudin Dedić

**Prilog: Kao u tekstu**

Dostavljeno:

- Naslovu
- Kantonalna ministarstva nadležna za poslove poljoprivrede
- a/a



## **I - Zahtjev za podršku poticanja proljetne sjetve (izvod iz Pravilnika):**

- (1) Pravo na podršku za troškove poticanja proljetne sjetve imaju klijenti - jedinice lokalne samouprave upisane u RK koje sufinanciraju programe pokretanja proizvodnje, poticanja proljetne sjetve.
- (2) Sufinanciranje od strane klijenta iz stavka (1) ovog članka pored budžeta jedinica lokalne samouprave može osigurati i kantonalno ministarstvo nadležno za poslove poljoprivrede.
- (3) Federalno ministarstvo će objaviti javni poziv za proljetnu sjetvu
- (4) Iznos sredstava koji se dodjeljuje javnim pozivom ovisit će od iznosa sredstava po osnovanim zahtjevima i udjela sufinanciranja od strane klijenta iz st. (1) i (2) ovog članka.
- (5) Za prijavu na javni poziv klijenti - jedinice lokalne samouprave upisane u RK su dužne dostaviti sljedeću dokumentaciju:
  - a) popunjen Obrazac prijave PSRP,
  - b) dokaz o izmirenim obvezama za prethodnu godinu ili sporazum o reprogramiranju duga kod Porezne uprave Federacije BiH, odnosno Uprave za indirektno oporezivanje BiH (samo reg. obveznici PDV-a).
  - c) dokaz o uplati federalne upravne takse u skladu sa člankom 5. stavak (6) ovog Pravilnika.
- (6) Federalno ministarstvo će izvršiti administrativnu kontrolu i obradu dostavljenih prijava.
- (7) Federalno ministarstvo potpisuje Sporazume o realizaciji programa pokretanja proizvodnje, poticanja proljetne sjetve sa klijentom - jedinicom lokalne samouprave upisanom u RK kojim se uređuju međusobni odnosi, nadležnosti i visina potpore.
- (8) Sporazum potpisuju i kantonalna ministarstva nadležna za poslove poljoprivrede u slučaju iz stavka (2) ovog članka.
- (9) Federalno ministarstvo nakon potpisivanja Sporazuma iz stavka (7) ovog članka vrši obračun potpore, donosi rješenje o odobravanju sredstava i sredstva doznačuje na račun klijenta.
- (10) Klijent je obavezan po realizaciji programa pokretanja proizvodnje, poticanja proljetne sjetve dostaviti Izvještaj o utrošku sredstava u skladu sa Listom prihvatljivih troškova za mjere ostalih vrsta podrške.
- (11) U slučaju da klijent u izvještaju iz stavka (10) ovog članka nije dostavio dokaz o utrošku cjelokupnog doznačenog iznosa, Federalno ministarstvo donosi rješenje o povratu sredstava.

**II - Visina podrške za programe pokretanje proizvodnje, poticanja proljetne sjetve, ovisno o udjelu sufinanciranja prihvatljivih troškova od strane klijenta, kako je prikazano u tablici, iznosi najviše do 1.000,00 KM po krajnjem korisniku.**

PROGRAMI POKRETANJA PROIZVODNJE, POTICANJA PROLJETNE ILI JESENSKE SJETVE				
Udio sufinanciranja od klijenta	Iznos sufinanciranja od klijenta	Udio podrške od FMPVŠ	Iznos podrške od FMPVŠ	Ukupna vrijednost programa po klijentu
20%	10.000 KM	80%	40.000 KM	50.000 KM
30%	30.000 KM	70%	70.000 KM	100.000 KM
40%	60.000 KM	60%	90.000 KM	150.000 KM
50%	100.000 KM	50%	100.000 KM	200.000 KM

## **III - Prihvatljivi troškovi za proljetnu sjetvu u tekućoj godini su:**

Troškovi nabavke sjemena, mineralnih gnojiva i zaštitnih sredstava za proizvodnju, silažnog i merkantilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

# Javni poziv općinama i gradovima Federacije BiH za poticanje proljetne sjetve

Na osnovu Odluke o usvajanju Programa utroška sredstava sa kriterijima raspodjele sredstava "Subvencije privatnim preduzećima i poduzetnicima – Poticaj za poljoprivredu" utvrđenih Budžetom Federacije Bosne i Hercegovine za 2020. godinu Federalnom ministarstvu poljoprivrede, vodoprivrede i šumarstva ("Službene novine Federacije BiH, br. 14/20, 16/20 i 23/20) i člana 22. Pravilnika o uvjetima i načinu ostvarivanja novčanih podrški po modelu ostalih vrsta podrški ("Službene novine Federacije BiH, broj 24/20), a u vezi sa aktom ovog Ministarstva broj: 03-20-518/20 od 31.03.2020.godine, Federalno ministarstvo poljoprivrede, vodoprivrede i šumarstva **r a s p i s u j e**

## JAVNI POZIV

ZA PRIKUPLJANJE PRIJAVA ZA POTICANJE PROLJETNE SJETVE U FEDERACIJI BOSNE I HERCEGOVINE ZA 2020. GODINU

### I

Predmet Javnog poziva je prikupljanje prijava za poticanje proljetne sjetve na teritoriji Federacije Bosne i Hercegovine za 2020. godinu.

### II

Pravo učešća po ovom Javnom pozivu imaju Klijenti – Jedinice lokalne samouprave gradovi/općine Federacije Bosne i Hercegovine koje sufinansiraju programe poticanja proljetne sjetve i ispunjavaju uslove određene u tački IV ovog Javnog poziva.

Klijenti – Jedinice lokalne samouprave gradovi/općine podnose prijavu na ovaj Javni poziv na obrascu PSRP koji sadrži preliminarnu listu krajnjih korisnika i druge podatke za poljoprivredne proizvođače sa svog područja za troškove sufinansiranja nabavke sjemena, mineralnih gnojiva i zaštitnih sredstava za proizvodnju, silažnog i merkantielnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

### III

Federalno ministarstvo poljoprivrede, vodoprivrede i šumarstva će sa klijentima – Jedinicama lokalne samouprave gradovima/općinama zaključiti Sporazum o realizaciji programa poticanja proljetne sjetve kojim će se urediti međusobni odnosi, nadležnosti, obaveze i visina podrške.

### IV

Klijent – Jedinica lokalne samouprave grad/općina mora ispunjavati slijedeće uslove:

- da je upisan u Registar klijenata (RK);
- da sufinansira program poticanja proljetne sjetve;
- da je izmirio obaveze za prethodnu godinu ili sklopio sporazum o reprogramiranju duga kod nadležne Porezne uprave Federacije BiH odnosno kod Uprave za indirektno oporezivanje BiH;
- da su troškovi za svaku kupovinu roba ili plaćanje usluga u skladu s realnim tržišnim cijenama;
- da je izvršio uplatu federalne upravne takse prema tarifnom broju 33. tačka 10. u iznosu od 20,00 KM, a u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17).

### V

Za prijavu na ovaj Javni poziv klijenti – jedinice lokalne samouprave – gradovi/općine su dužni dostaviti sljedeću dokumentaciju:

- popunjen **Obrazac prijave PSRP**;
- dokaz da je upisan u Registar klijenata (RK);
- dokaz da sufinansira program poticanja proljetne sjetve iz budžeta grada/općine ili uz podršku budžeta kantona;
- dokaz o izmirenim obavezama za prethodnu godinu ili sporazum o reprogramiranju duga kod Porezne uprave Federacije BiH odnosno kod Uprave za indirektno oporezivanje BiH;
- dokaz o uplati federalne upravne takse.

Svi podneseni dokumenti moraju biti dostavljeni u originalu ili ovjerenoj kopiji.

### VI

Klijenti – Jedinice lokalne samouprave gradovi/općine su obavezni po realizaciji programa poticanja proljetne sjetve dostaviti izvještaj o utrošku sredstava (obrazac ISRP koji se nalazi u prilogu Pravilnika o uvjetima i načinu ostvarivanja novčanih podrški po modelu ostalih vrsta podrški) te izvještaj o realizaciji programa poticanja proljetne sjetve sa fakturama, fiskalnim računima odnosno drugim dokazima o izvršenoj kupovini repromaterijala iz tačke II ovog Javnog poziva.

### VII

Javni poziv i rezultati ovog Javnog poziva biće objavljeni na službenoj web stranici Federalnog ministarstva poljoprivrede, vodoprivrede i šumarstva.

### VIII

Javni poziv ostaje otvoren 10 dana od dana objave u dnevnim novinama „Dnevni Avaz“, „Oslobođenje“ i „Dnevni list“. Nepotpune i neblagovremene prijave neće se uzeti u razmatranje.

### IX

Prijave sa potrebnom dokumentacijom podnose se preporučeno putem pošte na adresu:

**Bosna i Hercegovina**

**Federacija Bosne i Hercegovine**

**Federalno ministarstvo poljoprivrede, vodoprivrede i šumarstva**



U skladu sa pozivom Federalnog ministarstva poljoprivrede, vodoprivrede i šumarstva broj:  
03-20-518/20 od 31. 03. 2020. godine OPĆINA ILIJAŠ objavljuje

## JAVNI POZIV

za sačinjavanje preliminarne liste poljoprivrednih proizvođača koji će obavljati proljetnu sjetvu na području općine Ilijaš

Pozivaju se **poljoprivredni proizvođači** sa područja općine Ilijaš da potrebne podatke za proljetnu sjetvu zbog naglašene **hitnosti poziva** dostave Predsjednicima Savjeta Mjesnih zajednica a najkasnije sa **5. 04. 2020 godine (nedjelja)** . Predsjednici Savjeta Mjesnih zajednica će tražene podatke od poljoprivrednih proizvođača dostaviti u Službu za privredu i finansije zaključno sa **6. 04. 2020. (ponedjeljak)** godine.

### PODACI KOJI SE DOSTAVLJAJU:

r.b	Ime i prezime krajnjeg korisnika	Broj iz RPG ili RK	KULTURA	POVRŠINA (ha)	Lokacija (naselje)	Planirani iznos potpore u (KM)
1						

U skladu sa Pravilnikom o uslovima i načinu ostvarivanja novčanih podrški po modelu ostalih vrsta podrški (Federalno ministarstvo poljoprivrede , vodoprivrede i šumarstva) definisani su **prihvatljivi troškovi** :

**TROŠKOVI NABAVKE:** sjemeni, mineralnih gnojiva i zaštitnih sredstava za proizvodnju: silažnog i merkantilnog kukuruza, heljde, povrća (paradajz, paprika, krastavac, patlidan, mrkva, cvekla, grah, luk bijeli, luk crveni , zelena salata, krompir i sl) i drugih poljoprivrednih kultura.

### VAŽNE NAPOMENE :

1. **Svi poljoprivredni proizvođači moraju** biti upisani u Registar poljoprivrednih gazdinstava (RPG) Federalnog ministarstva poljoprivrede , vodoprivrede i šumarstva u **nadležnoj općinskoj službi**, a u skladu sa propisanim rokovima upisa i ažuriranja podataka **a najkasnije do 30. 04. 2020. godine**.
2. Općina Ilijaš će izvršiti selekciju – odabir poljoprivrednih proizvođača sa preliminarne liste **u skladu sa kriterijima koje propiše Federalno ministarstvo poljoprivrede , vodoprivrede i šumarstva**.
3. **Javni poziv ne uključuje dodjelu sjemeni, mineralnih đubriva i zaštitnih sredstava**
4. **Visina podrške za programe pokretanja proizvodnje, poticanja proljetne sjetve**, ovisno o udjelu sufinansiranja prihvatljivih troškova od strane klijenta, **iznosi najviše do 1. 000,00 KM po krajnjem korisniku**.



U skladu sa pozivom Federalnog ministarstva poljoprivrede, vodoprivrede i šumarstva broj:  
03-20-518/20 od 31. 03. 2020. godine OPĆINA ILIJAŠ objavljuje

**D O P U N E I P O J A Š N J E N J E J A V N O G P O Z I V A**  
**za sačinjavanje preliminarne liste poljoprivrednih proizvođača koji će obavljati proljetnu**  
**sjetvu na području općine Ilijaš**

Nakon izvršenog uvida u dostavljene preliminarne liste od strane Savjeta Mjesnih zajednica za poljoprivredne proizvođače koji planiraju obaviti proljetnu sjetvu uočeno je da nisu dostavljeni podaci kako je to traženo i propisano od strane Federalnog ministarstva poljoprivrede, vodoprivrede i šumarstva, a dio su tabelarnog prikaza kao sastavnog dijela Javnog poziva. U vezi sa navedenim neophodno je precizirati i izvršiti dopunu podataka u tabelarnom prikazu a koji se odnose:

- Navesti pojedinačne kulture za svaku vrstu :
- povrća sa površinama zasijanih po svakoj kulturi na primjer :(krompir, crveni luk, bijeli luk, paprika, paradajz....)
- žitarica sa površinama po svakoj kulturi na primjer: (merkantilni kukuruz, silažni kukuruz, heljda, ječam, zob....)
- aplikacije se nemogu odnositi na jesenju sjetvu žitarica iz 2019. godine

**PODACI KOJI SE DOSTAVLJAJU:**

r.b	Ime i prezime krajnjeg korisnika	Broj iz RPG ili RK	KULTURA vrsta	POVRŠINA po kulturi (ha)	Lokacija (naselje)	Planirani iznos potpore u (KM)
1			- - -	- - -		- - -

U skladu sa Pravilnikom o uslovima i načinu ostvarivanja novčanih podrški po modelu ostalih vrsta podrški (Federalno ministarstvo poljoprivrede , vodoprivrede i šumarstva) definisani su **prihvatljivi troškovi :**

**TROŠKOVI NABAVKE:** sjemena, mineralnih gnojiva i zaštitnih sredstava za proizvodnju: silažnog i merkantilnog kukuruza, heljde, povrća (paradajz, paprika, krastavac, patlidan, mrkva, cvekla, grah, luk bijeli, luk crveni , zelena salata, krompir i sl) i drugih poljoprivrednih kultura.

**VAŽNE NAPOMENE :**

1. Svi korisnici ovog vida podrške mogu biti samo aplikanti :
  - poljoprivredni proizvođači koji su upisani u Registar poljoprivrednih gazdinstava (RPG) Federalnog ministarstva poljoprivrede , vodoprivrede i šumarstva u nadležnoj općinskoj službi, a u skladu sa propisanim rokovima upisa i ažuriranja podataka a najkasnije do 30. 04. 2020. godine.

2. Aplikanti koji su izvršili ili će izvršiti proljetnu sjetvu , a što uključuje provođenje kontrole uviđajem na terenu od strane nadležnog organa.

2. Svi aplikanti po javnom pozivu će morati dostaviti ključni dokaz za ostvarivanje novčanog vida podrške o kupovini repromaterijala koji uključuje (nabavku sjemena, mineralnih đubriva i zaštitnih sredstava)

Ovaj dokaz uključuje:

- Za pravna lica i obrte koji posluju putem računa potrebna je faktura i dokaz o plaćanju po fakturi za kupljeni repromaterijal izdan na njihovo ime.
- za fizička lica dovoljan je fiskalni račun na kome je vidljiv prodavac, vrsta i cijena kupljenog repromaterijala.

3. Općina Ilijaš će izvršiti selekciju – odabir poljoprivrednih proizvođača sa preliminarne liste u skladu sa kriterijima koje propiše Federalno ministarstvo poljoprivrede , vodoprivrede i šumarstva.

4. Javni poziv ne uključuje dodjelu sjemena, mineralnih đubriva i zaštitnih sredstava

5. Visina podrške za programe pokretanja proizvodnje, poticanja proljetne sjetve, ovisno o udjelu sufinansiranja prihvatljivih troškova od strane klijenta, iznosi najviše do 1. 000,00 KM po krajnjem korisniku – aplikantu

6. Upis u RPG se vrši nadležnoj službi za privredu i finansije uz dostavu dokumentacije:

- Posjedovnog lista ili ZK izvadka-na ime podnosioca zahtjeva ili na osnovu ugovora o korištenju zemljišta sa zakupodavcem

- Kopija lične karte sa prebivalištem na području Općine Ilijaš

- kopija bankovne kartice

- popunjavanje obrazaca propisanih od strane Federalnog ministarstva poljoprivrede, vodoprivrede i šumarstva.

Po dostavljanju dokumentacije , ista se unosi u aplikaciju za upis u RPG , nakon čega aplikacija dodjeljuje broj RPG za poljoprivrednog proizvođača.

Poljoprivredni proizvođači potrebne podatke će dostaviti Predsjednicima Savjeta Mjesnih zajednica zaključno sa rokom četvrtak 9. 04. 2020. godine , a Predsjednici će podatke proslijediti u Službu za privredu i finansije zaključno sa 10. 04. 2020. godine .

Molimo da za sve eventualne nejasnoće kontaktirate nadležnu općinsku Službu na telefone 033: 580-655 i 033 580 650.





OPĆINSKI NAČELNIK

Ilijaš, 08.06.2020. godine

PREDMET : Odgovori po vijećničkim inicijativama,

Na 42 sjednici Općinskog vijeća Ilijaš pokrenute su sljedeće inicijative :

Vijećnik Halid Dizdarević je pokrenuo sljedeću inicijativu :

*Pokrećem inicijativu prema nadležnoj općinskoj službi da mi ostave Informaciju koliko i koji vijećnici iz Općinskog vijeća koriste pravo na uplatu penzionog-zdravstvenog osiguranja ?*

*Također, da mi se dostavi tabelarni prikaz po imenu i prezimenu vijećnika i sa iznosima koji su uplaćeni za mandatni period 2016-2020. godine ?*

Odgovor po vijećničkoj inicijativi :

Pravo na uplatu penzionog osiguranja u mandatnom periodu 2016-2020 koristio je vijećnik Špiodić Almir u skladu sa odredbama Zakona o penzijskom i invalidskom osiguranju (Sl.novine FBiH br. 13/18 93/19 – odluka US), a u skladu sa rješenjem br. 01/1-2-sl/17 od 30.05.2017. godine donesenim od strane Općinskog vijeća – Komisija za izbor i imenovanje.

PREGLED UPLAĆENIH DOPRINOSA ZA PIO IZNOSA :

2017	
Mjesec	Iznos
Juni	217,10 KM
Juli	217,10 KM
Avgust	217,10 KM
Septembar	217,10 KM
Oktobar	217,10 KM
Novembar	217,10 KM
Decembar	217,10 KM
Ukupno 2017	1.519,70 KM

2018	
Mjesec	Iznos
Januar	223,40 KM
Februar	223,40 KM
Mart	223,40 KM
April	223,40 KM
Maj	223,40 KM

Juni	223,40 KM
Juli	223,40 KM
Avgust	223,40 KM
Septembar	223,40 KM
Oktobar	223,40 KM
Novembar	223,40 KM
Decembar	223,40 KM
Ukupno 2018	2.680,80 KM

2019	
Mjesec	Iznos
Januar	230,35 KM
Februar	230,35 KM
Mart	230,35 KM
April	230,35 KM
Maj	230,35 KM
Juni	230,35 KM

Juli	230,35 KM
Avgust	230,35 KM
Septembar	230,35 KM
Oktobar	230,35 KM
Novembar	230,35 KM
Decembar	230,35 KM
Ukupno 2019	2.764,20 KM

2020	
Mjesec	Iznos
Januar	241,10 KM
Februar	241,10 KM
Mart	241,10 KM
April	241,10 KM
Maj	241,10 KM
Ukupno 2020	1.205,50 KM

Sveukupno Juni/2017 – Maj/2020	8.170,20 KM
--------------------------------	-------------



**JKP Vodostan d.o.o. Ilijaš**

Žiro račun br.: 160200000096150 kod Vakufske banke  
126 Brigade 60, 71380 Ilijaš, Tel/Fax: 033 400 740, Tel: 033 400 024

e-mail: jkp.vodostan@gmail.com

info@vodostan.ba

Br.Rj.:065-O-Reg-14-003778

PDV ID: 200171710000


ID:4200171710000

www.vodostan.ba

Broj: 1200/20

Ilijaš, 12.06.2020. godine.

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
Služba za privredu i finansije



**Predmet: Odgovor na vjećničko pitanje i inicijativu vjećnika SDA-Šehić Sead-dostavlja se;**

Poštovani,

Dana 29.05.2020. godine zaprimili smo vjećničko pitanje koje se odnosi na pitanje poboljšanja uslova rada samostalnih poljoprivrednih proizvođača na natkrivenom, odnosno otvorenom dijelu pijace. Naime, od strane korisnika predmetnog pijačnog prostora su već bile pokretane slične inicijative. Međutim, za izgradnju i uređenje centralnog pijačnog objekta i okolnog prostora izrađen je projekat nakon čega su provedene procedure dobijanja potrebnih dozvola i saglasnosti za izradnju.

Prema članu 2. stav 1) alineja rr) Zakona o prostornom uređenju KS („Sl. novine KS“ br. 24/17 i 1/18) definisano je da se rekonstrukcijom smatra izvođenje radova na postojećoj građevini kojima se:

-mjenjaju konstruktivni elementi koji bi mogli uticati na stabilnost građevine ili njenih dijelova,

-uvode nove instalacije ili ugrađuje nova oprema u građevinu,

-mjenja namjena, tehnološki proces ili **vanjski izgled građevine**, te mjenjaju uvjeti pod kojima je na osnovu odobrenja za građenje, izgrađena građevina.

Primjenjujući navedene zakonske odredbe, Preduzeće ne smije vršiti nikakve radove i preinake tržnice kojima bi se primjenio vanjski izgled bez odobrenja za građenje.

Za navedene aktivnosti pored ispunjavanja zakonske procedure potrebno je obezbijediti i potrebna finansijska sredstva.

Cilj nam je našim zakupcima prostora i kupcima pružiti što bolje uslove za rad, te ćemo u navedenom periodu zajedno sa Osnivačem pokušati pronaći adekvatno zakonsko rješenje.

S poštovanjem,



DIREKTOR

Zukijć Belma, dipl. pravnik

Dostavljeno:

- ① Naslovu
2. a/a